

18/10/1999

Arafat adakan lawatan singkat

KUALA LUMPUR, Ahad - Pemimpin Palestin, Yasser Arafat, mengadakan lawatan singkat sehari untuk bertemu Perdana Menteri, Datuk Seri Dr Mahathir Mohamad, hari ini.

Dalam pertemuan selama lebih sejam malam ini, kedua-dua pemimpin membincangkan mengenai isu kerjasama dua hala dan perkembangan mutakhir proses perdamaian di Timur Tengah.

Perdana Menteri kemudiannya mengiringi Yasser ke kenderaan rasmi untuk ke Lapangan Terbang Sultan Salahuddin Abdul Aziz Shah (LTSAAS) Subang, sebelum berlepas ke Jeddah.

Ketibaan Yasser dari lawatan kerja ke Jepun dan Vietnam di LTSAAS disambut oleh Menteri Luar, Datuk Seri Syed Hamid Albar, yang juga menteri pengiring.

Ketua Penolong Setiausaha Bahagian Asia Barat, Nik Mustafa Nik Ahmad, berkata delegasi seramai 10 orang itu turut disertai Menteri Perancangan dan Kerjasama Antarabangsa, Dr Nabil Shaat dan Menteri Kerajaan Tempatan, Dr Saeb Erilat.

(END)